

61. þing Sundsambands Íslands Íþróttamiðstöðinni Laugardal 6. og 7. mars 2015

Pingskjal nr: 2015 - 12

61. þing Sundsambands Íslands haldið í Íþróttamiðstöðinni í Laugardal 6. og 7. mars 2015
samþykkir að eftirfarandi tillögur um breytingar á Almennum ákvæðum SSÍ. (ath! Breytingar með rauðu lettri)

7. grein - Veiting móta

Ef tvö eða fleiri aðildarfélög **SSÍ** sækja um að halda sama mót á vegum SSÍ skal stjórn SSÍ ráða staðsetningu þess og er niðurstaða hennar endanleg. ~~Frankvæmdaaðili~~ **Mótshaldari** og SSÍ skulu ávallt gera með sér skriflegan samning um framkvæmd mótsins og skiptingu ~~tekna hagnaðar~~ og kostnaðar.

15. grein - Tímastaðlar

Stjórn SSÍ skal gefa út reiknireglu til að meta árangur milli eftirtalinnna brautarlengda: 16 2/3 metra, 25 metra og 50 metra. Reiknireglur þessar skulu uppfærðar eftir þörfum við upphaf hvers sundtímabils. Umreiknaður tími skal merktur sérstaklega í skráningu **á mót**. Umreiknaður tími getur aldrei orðið betri en Íslandsmet í greininni í viðkomandi brautarlengd og skal í þeim tilfellum skrá umreiknaðan tíma amk 1/100 yfir gildandi meti.

18. grein - Skýrslur

Frankvæmdaaðilar **félagsmóta og mótshaldarar SSÍmóta** skulu senda SSÍ mótaskýrslu og útprentun úr tímatökutækjum. Einnig skulu úrslit mótsins berast til SSÍ á tölvutæku formi. Skýrsla um sundmót skal undirrituð af mótsstjóra og yfirdómara. Til þess að úrslit teljist gild þurfa framangreind gögn að hafa borist SSÍ innan sjö daga frá lokum móts. ~~Frankvæmdaaðilar~~ og skulu **birta** staðfest úrslit **birtast** innan sama tíma.

Greinargerð

Tillögur á þessum þremur greinum, 7., 15. og 18. eru fyrst og fremst orðalagsbreytingar til að texti þeirra verði skýrari.

25. grein – **Mótmæli og kærur**, Yfirdómnefnd móts (Jury of appeal)

25.1

Liðstjóri/þjálfari geta mótmælt/kært

- ef lögum og reglum SSÍ um mótahald er ekki fylgt**
- ef þær aðstæður skapast að það trúfli keppni eða keppendur verulega**
- ákvörðunum yfirdómara; engin mótmæli gegn „decisions of fact“ eru þó tekin til greina**

25.2

Mótmæli/kærur skulu afhentar

- yfirdómara**
- skriflega á eyðublöðum SSÍ**
- af liðstjóra eða þjálfara félgas sem í hlut á**
- ásamt kærufé að upphæð kr. 5000,00**
- innan 30 mínútna frá því úrslit greinar/leiks eru birt**

Ef mótmæla á atriði sem á sér stað áður en keppni er hafin skal tilkynna um mótmæli áður en rásmerki er gefið

25.3

Öll mótmæli/kærur eru tekin fyrir af yfirdómara. Yfirdómari sem hafnar mótmælum/kærum, verður að gefa ástæður fyrir ákvörðun sinni. Þjálfari/liðstjóri getur skotið höfnun yfirdómara til Yfirdómnefndar, en niðurstaða hennar er endanleg.

25.4

Ef mótmælum/kærum er hafnað mun kærufé renna í sjóði SSÍ. Ef yfirdómari eða yfirdómnefnd samþykkja mótmæli/kæru er kærufé endurgreitt.

25.5

Á öllum mótum SSÍ starfar yfirdómnefnd skipuð þremur stjórnarmönnum SSÍ. Formaður SSÍ, eða varaformaður í fjarveru formanns, er jafnframt formaður yfirdómnefndar. Skal yfirdómnefnd úrskurða í ágreinings- og álitamállum sem upp koma á móti, í samræmi við reglur LEN og FINA og ef þau falla ekki beinlínis undir lögsögu annarra aðila í samræmi við samþykktir SSÍ og ÍSí. Yfirdómnefnd móts skal fjalla um öll mál sem upp kunna að koma varðandi slæma framkomu eða hegðun á öllum mótum SSÍ.

61. þing Sundsambands Íslands
Íþróttamiðstöðinni Laugardal
6. og 7. mars 2015

Þingskjal nr: 2015 - 12

Úrskurðir yfirdómnefndar móts eru endanlegir.

25.6

Ef keppandi eða starfsmaður *á móti*, gerir sig sekan um ósæmilega hegðun að mati yfirdómara eða fulltrúa SSÍ og ekki vinnst tími til að taka á málinu meðan á móti stendur, getur viðkomandi sent skýrslu um málið til skrifstofu SSÍ innan 7 daga frá því að atvikið átti sér stað. SSÍ skal tilkynna viðkomandi félagi um atvik þau er varða keppendur, starfsmenn og/eða trúnaðarmenn viðkomandi félags og skal félagið taka málið til meðferðar og kynna stjórn SSÍ niðurstöðu sína innan þess frests sem hæfilegur getur talist. ~~Úrskurðir yfirdómnefndar móts eru endanlegir. Stjórn SSÍ sendir þau mál sem ekki fjést niðurstaða í með ofangreindum hætti til Aga- og síðanefndar.~~

Greinargerð

Í breytingartillögu á 25. grein eru teknar og íslenskaðar reglur FINA um hvernig taka skuli við mótmælum og kærnum á sundmótum og hlutverk aðila gert skýrara.

20. grein – Félagasáild og félagaskipti

Sundfólk í almennri sundkeppni á aðild að sundfélögum/-deildum og tekur þátt í keppni í sundíþróttum undir merki þess félags. Félag senda sundfólk til keppni og bera ábyrgð í samræmi við það. Árangur sundfólks skal skrá á nafn þeirra undir merki þess félags sem þau tilheyra. Í garpaflokkum má skrá sundfólk til keppni sem ekki tilheyrir félögum.

Félag geta/mega sameina krafta sína á mótum á eftirfarandi hátt;

- Félag geta starfað saman undir einu merki og sent sundfólk undir því merki til keppni á öll mót keppnistímabilsins. Félag þurfa að tilkynna stjórn SSÍ ákvörðun um slíkt samstarf amk einum mánuði áður en keppnistímabil hefst í upphafi samstarfs. Árangur sundfólks skráist þá undir sameiginlegt merki þeirra félaga sem starfa saman. Slitni upp úr samstarfinu skal tilkynna það minnst einum mánuði áður en næsta keppnistímabil hefst.*
- Félag geta sameinast um að senda lið til keppni þar sem fer fram stigakeppni liða. Það á við td um bikarkeppni og aldursflokkamót. Félag sem kjósa slíkt samstarf þurfa að tilkynna stjórn SSÍ það amk einum mánuði fyrir upphaf móts. Árangur einstaklingsins í keppninni skráist undir það félag sem hann tilheyrir en árangur í boðsundskeppni og stigakeppni liða undir sameiginlegt merki samstarfsfélaganna.*
- Félag geta sameinast um boðsundssveitir á einstökum mótum þar sem ekki fer fram stigakeppni félaga. Tilkynna þarf stjórn SSÍ um slíkt samstarf minnst einum mánuði fyrir upphaf móts. Árangur sveitar í boðsundi skráist undir samstarfsmerki félaganna.*

Keppandi getur skipt um félag hvenær sem er á keppnistímabilinu. Um leið missir hann keppnisrétt með því félagi sem hann hefur verið skráður í fram að því. Keppnisrétt öðlast hann með sínu nýja félagi þó ekki fyrr en 30 dögum eftir að tilkynning um félagaskipti hefur borist SSÍ. Tilkynna þarf öll félagaskipti skriflega til skrifstofu SSÍ. Tilkynningar ásamt staðfestingu á skuldlausri stöðu við fyrra félag þurfa að berast skrifstofu SSÍ á þar til gerðu eyðublaði/formi. Hafi viðkomandi einstaklingur ekki keppt á skráðu sundmóti undanfarin tvö ár, gerist ekki þörf að tilkynna félagaskipti. Póststimpill ábyrgðarbréfs, kvittun stjórnarmanns eða starfsmanns gildir sem dagsetning tilkynningar um félagaskipti. Stjórn SSÍ skal á næsta fundi staðfesta félagaskipti og færa til bókar. Keppandi sem er í félagaskiptaferli, má keppa sem gestur á opnum mótum og SSÍ mótum í þeim tilgangi einum að ná lágmarkum í landsliðsverkefni.

Greinargerð

Ath! Þessi texti um breytingar á 20 grein er ennþá í yfirllestri hjá laganefnd ÍSÍ og gæti því tekið breytingum

Sund er í sjálfu sér einstaklingskeppni en breytist í keppni liða þegar kemur að boðsundum og stigakeppnum. Í liðakeppni geta gilt önnur lögmál en í einstaklingskeppni. Það er ljóst að töluverður munur er á skilningi fólks innan hreyfingar á því hvað má og hvað ekki þar sem þetta tvennt blandast oft saman. Við eigum nokkur dæmi um velheppnað samstarf félaga innan sundhreyfingarinnar og á undanförunum mánuðum höfum við séð og heyrt ýmsar hugmyndir um hvernig hægt væri að stofna til samstarfs félaganna. Við höfum fengið tillögur frá Sundfélagi Hafnarfjarðar og Sundfélaginu Ægi ásamt ábendingum frá amk þremur öðrum í þessa veru. Mislangt hafa þessar tillögur og ábendingar gengið en þær áttu það allar sameiginlegt að samræmast ekki lögum og reglum SSÍ/ÍSÍ að öllu leyti. Þess vegna er hér gerð tilraun til að skilgreina félagasáild sundfólksins ásamt réttindum þeirra og möguleika félaga til að hafa samstarf sín á milli. Þetta gæti haft töluverð áhrif á möguleika minni félaga að ná saman boðsundssveitum og taka þátt í liðakeppninni og þar með breikkað hreyfinguna okkar.